



Kangaatsiaq 21. Januar 2016

Inatsisartut Suleriaasianni § 37 naapertorlugu Naalackersuisunut imaattumik apeqquteqarpunga.

### Apeqqutit:

- 1. Naalackersuisut Great Greenland-illu amminik tunisinermut isumaqatigiissutaanni suna allannguutaava ukioq manna atuutilersup siornamut naleqqiullugu?**
- 2. Tusakkat ilumoorpat ammit tunisat aatsaat 4000 kr. sinnerlugit annertussuseqalerpata tunisisunut akiliutigineqarsinnaappat?**
  - a. Tamanna sumik peqquteqarpa sunalu siunertaralugu taamatut aaqqiisoqarpa?**
- 3. Ukioq manna ameerutit 4.000,- inorpatigit taava tiguneqarsinnaanngillat?**
- 4. Natsiit tunisaanerat matoqqapput Ilulissaniik – Qaqortumut. Kangerlummi Qeqertarsuarmi natseqarluartartuni ilami Diskobugtimi ukiuunerani natseqartartumi aalisarnerup akunnassinerani natsiup ameerniarsinnaasut mattunneqarput, tassani suna pissutaava?**
- 5. Natsiup amii 225 kr-lugit tigooqqarneqarpata, tiguisup ameq aggoriarlugu igiinnartarpa, tamanna ilumoorpa?**

(Inatsisartunut ilaasortaq Hans Aronsen, Inuit Ataqatigiit)

### Tungavilersuut:

Ullut kingulliit nittartakkakut oqallittarfinni oqallisigineqartut arlaqartunik tungaveqarlunga apeqqutingaakka.

Tusakkat malillugit natsit amii tunisat amernik tigooqqaasunik aggoriarlugit igiinnarneqartarput, tamannalu piujuaannartitsinermik tamakkiisumillu atuinermut naapertuutinnigilaq.

Naalackersuisut Great Greenlandillu akornanni isumaqatigiissut nutaaq sukumiisumik paasisitsiniutigineqarsimannigilaq, taamaattumillu allannguutit piniartunut amernillu tigooraasunut allannguutit malunnaatillit paaserusuppakka.

Ullut suliffiit nalinginnaasut qulit qaangiutinnginnerani akineqarnissara piumasaraara